


TEZAU LITURGIC

2 AUGUST

ACATISTUL SF. CUVIOS VASILE DE LA MOSCOVA



MOSCOVA, 2000



Акафист

блаженному Василию, Христа ради юродивому, Московскому чудотворцу

Кондак 1

Избранный сосуд Божией благодати, миром добродетелей преисполненный, достоугодно Васи́лие, яко избавляеми от всяких бед и напастей твоим о нас ко Господу тёплым предста́тельством, благодарственное сие тебе пение приносяще зовём:

Ра́дуйся, преблаже́нне Васи́лие, юро́де богому́дре, моско́вский чудотво́рче.

Икос 1

Ангелоподо́бно жити́е твоё бы́сть богоблаже́нне и чистота́ вои́стину нескве́рна: ве́дый бо, яко любве́ ми́ра сего́ вражда́ Бо́гу е́сть, не восхотёл еси́ дру́г ми́ру бы́ти, но преда́л еси́ всего́ себе́ Бо́гу, таковому́ вели́чию по́двига твоего́ дивя́щеся вопи́ем:

Ра́дуйся, ве́рный Го́спода служи́телю, лоза́ предивная Христо́ва виногра́да; ра́дуйся, жити́я добродѣтельнаго учи́телю, овча́ избра́нное Госпо́дня ста́да.

Ра́дуйся, ло́на Авраа́ма насѣльниче, ра́я пресла́достнаго жи́тель; ра́дуйся, Ца́рствия Небе́снаго насле́дниче, та́мо себѣ восприя́вый оби́тель.

Ра́дуйся, преблаже́нне Васи́лие, юро́де богому́дре, моско́вский чудотво́рче.

Конда́к 2

Ви́де, я́ко вся́ я́же в ми́ре: по́хоть пло́ти, по́хоть очес и го́рдость житѣ́йская, учи́л еси́, преблаже́нне, презира́ти пло́ть, прехо́дит бо: прилежа́ти же о ду́ши безсме́ртной, воспева́я непреста́нно Бо́гу: Аллилу́иа.

И́кос 2

Ра́зум неуразуме́нен, труды́ и по́двиги тво́я, досто́блаже́нне Васи́лие, и́миже се́дмьдесят и два́ ле́та во гра́де се́м Москве́, пло́ть твою́ удруча́л еси́. Мы́ же, многострада́льным терпе́нием твои́м умиля́еми, зове́м:

Ра́дуйся, преуто́дный а́нгеле земны́й, земна́я в се́рдце вся́ попра́вый; ра́дуйся, предивны́й

челове́че небёснѣй, небёснаго отёчества
взыска́вый.

Ра́дуйся, огнезра́чный херуви́ме, в ду́ше
свое́й вся́ стра́сти попали́вый; ра́дуйся,
преблаже́нне Васи́лие, юро́де богому́дре,
моско́вский чудотво́рче.

Конда́к 3

Си́лою благода́ти от Бо́га свѣ́ше укрепля́емъ,
желáнием к небёсному возгорéлся еси́,
всеблаже́нне, и чистото́ю жити́я твоего́ обите́лей
вѣчных дости́гл еси́, в нихъ ны́не вопи́еши Бо́гу:
Аллилу́иа.

И́кос 3

Име́яй в се́рдце сло́во Господне: ка́я бо по́льза
челове́ку, а́ще приобря́щет ми́р вѣсь, и отщети́т
ду́шу свою́; вся́ красная́ ми́ра сего́ во уме́ты
вмени́л еси́, те́мже прославля́юще тя́, зове́м:

Ра́дуйся, в ми́ре се́м вне́ ми́ра жи́вый, и сла́ву
всю́ его́ презре́вый; ра́дуйся, во плóти а́ки
безплóтен бы́вый, небёсны́я сла́вы восхоте́вый.

Ра́дуйся, ду́шу свою́ возлюбѣ́вый, спасéния
вѣчнаго иска́вый; ра́дуйся, те́ло свое́ я́ко врага́
смири́вый, пу́ть по́двига избра́вый.

Ра́дуйся, преблагѣ́нне Васи́лие, юро́де
богомудре, моско́вский чудотво́рче.

Конда́к 4

Бу́рю ве́лию зло́бы многомяте́жный диа́вол
воздви́же на тя́, богоблагѣ́нне Васи́лие, ты́ же
убежа́л еси́ ловле́ния льсти́ваго сего́
миродѣ́ржца, и увяза́лся еси́ венце́м нетле́ния,
воспева́я Бо́гу: Аллилу́иа.

И́кос 4

Слы́ша Христо́ву за́поведь: ищи́те пре́жде всего́
Ца́рствия Бо́жия и пра́вды его́, отря́сл еси́
вся́кое мирско́е пристра́стие. Восхваля́юще
такову́ю о Бо́зе ре́вность твою́, вопи́ем:

Ра́дуйся, от ю́ности до́м оте́ческий оста́вивый
и сро́дники своя́ и дру́ги вся́ поки́нувый;
ра́дуйся, к до́му Отца́ Небе́снаго стопы́ своя́
напра́вивый, широ́кий пу́ть сласте́й отринувый.

Ра́дуйся, неясы́ти пусты́нней уподо́бивыйся,
кро́ва себѣ́ на земли́ не имевый; ра́дуйся,
обите́лей райских сподо́бивыйся, приста́нище
благооти́шное та́мо обретьи́.

Ра́дуйся, преблагѣ́нне Васи́лие, юро́де
богомудре, моско́вский чудотво́рче.

Конда́к 5

Боготече́ней зве́здѣ, светоза́рный пу́ть спасе́ния
показу́ющей, уподо́бился, блаже́нне, нас, во тме́
грехо́вней блужда́ющих, на пу́ть пра́вый
наста́ви, да спасе́ннии тобо́ю, воспоём Бо́гу:
Аллилу́иа.

И́кос 5

Ви́дя злохитрство́ диа́вола, и́щуща жите́йскими
попече́ньми одержи́мых в се́ти своя́ уловля́ти,
противуста́л еси́ ко́знем вра́жиим, ни о чём же
земне́м печа́ся. Ви́дяще сицевое́ твоё́ благо́е
произволе́ние, зове́м ти́:

Ра́дуйся, всего́ себе́ измла́да Го́споду
вручи́вый и к Тому́ Еди́ному напра́вивый ве́сь
тво́й слух; ра́дуйся, того́ еди́наго все́м се́рдцем
возлюби́вый, и того́ еди́наго смире́нный ра́б и
ве́рный дру́г.

Ра́дуйся, стезе́ю по́двига все́ жити́е своё́
проше́дший, и добродете́лю свое́ю со́нмы
а́нгелов удиви́вый; ра́дуйся, небе́сный би́сер
многоце́нный на земли́ обрётший, чистото́ю
твоё́ю ли́к пра́ведных возвесели́вый.

Ра́дуйся, преблаже́нне Васи́лие, юро́де
богомудре́, моско́вский чудотво́рче.

Кондак 6

Пропове́дую па́че вся́каго сло́ва жити́ем твои́м
не люби́ти ми́ра, ни я́же в ми́ре, добродѣ́телей
ку́плю мно́гу стяжа́л еси́ и Влады́це Христу́ я́ко
всепло́дие же́ртвенное прине́сл еси́, вопия́ Ему́:
Аллилу́иа.

И́кос 6

Воссия́, я́ко свети́ло лучеза́рное, по́двиги тво́я,
всеблаже́нне, ре́вностию духо́вною разгоре́всь,
ко мно́жайшему труду́ просте́рл еси́ себѣ: Ада́му
первозда́нному подо́бься, на́г на земли́ ходи́л
еси́, плоть свою́ удруча́я. Такову́ю кре́пость
души́ твое́я восхваля́юще, зове́м:

Ра́дуйся, оде́яний тле́нных совлéкшийся, те́ло
свое́ наготé преда́вый; ра́дуйся, безстра́стием
святы́м облéкшийся, добродéтели рíзу свéтлую
избра́вый.

Ра́дуйся, мра́за лю́таго не убо́явыйся, тепло́ты
ра́йския иска́вый; ра́дуйся, зно́я со́лнечнаго не
уклонíвыйся, прохладже́ния небéснаго
жела́вый.

Ра́дуйся, преблаже́нне Васи́лие, юро́де
богомудре, моско́вский чудотво́рче.

Конда́к 7

Хотя́й му́дрости небе́сныя сподо́битися,
после́довал еси́ гла́су Па́вла апо́стола: а́ще кто́
мни́тся му́др бы́ти в ве́це се́м, юро́д да быва́ет,
да прему́др бу́дет, и Христа́ ра́ди юро́д бы́л, я́ко
безу́мна явля́я себ́я ми́ру, умудри́вшему же тя́
Го́споду воспева́я: Аллилу́иа.

И́кос 7

Дивно́ и пречу́дно юро́дство твоё́ бы́сть,
преблаже́нне, вся́кое нече́стие и беззако́ние
небоя́зненно облича́л еси́, мно́гия досажде́ния и
ра́ны за то́ претерпева́я. Таково́й вели́кий
по́двиг тво́й ублажа́я, зове́м ти́:

Ра́дуйся, у́м земно́й отри́нувый, небе́сный
ра́зум восприя́вый; ра́дуйся, земну́ю му́дрость
всю́ поки́нувый, юро́дства по́двиги себ́е
избра́вый.

Ра́дуйся, диа́вола сво́им юро́дством
прехитри́вый и льсти́вых сетей́ его́ избежа́вый;
ра́дуйся, безу́мна ми́ру себ́е яви́вый, му́дрых
ве́ка сего́ все́х попра́вый.

Ра́дуйся, преблаже́нне Васи́лие, юро́де
богомудре, моско́вский чудотво́рче.

Конда́к 8

Стра́нник и пришеле́ц бы́л еси́, преблагѣ́нне Васи́лие, небѣснаго гра́да Иерусали́ма взыску́я, его́же дости́гл еси́, и ны́не воспева́еши та́мо Бо́гу немол́чно: Аллилу́иа.

И́кос 8

Ве́сь к Бо́гу вперив тво́й у́м, и возлюби́ небѣсная, земно́е все́ отря́сл еси́, те́мже на́с ны́не земли́ привѣ́рженных к небѣ́сному обрати́, да изба́вльшеся от земна́го пристра́стия и суеты́ мирскія, благода́рственно возопи́им ти́:

Ра́дуйся, те́лом на земли́ пребыва́вый, но земна́я вся́ презре́вый; ра́дуйся, ду́хом же на небе́ обита́вый.

Ра́дуйся, дивный Бо́жий уго́днице, жити́ем своимъ, я́ко со́лнце, сия́ющий; ра́дуйся, многотерпели́вый Христо́в подви́жнице, и на́с к по́двигом призыва́ющий.

Ра́дуйся, преблагѣ́нне Васи́лие, юро́де богому́дре, моско́вский чудотво́рче.

Конда́к 9

Вся́ чи́нове а́нгельстии с небѣ́с на зе́млю мы́сленными прини́кше очі́ма и ви́дяще тво́я по́двиги, во умилѣ́нии воспева́ху Бо́гу: Аллилу́иа.

И́кос 9

Ветийствовати хотя́щий язы́к на́ш безгла́сием
связа́ется, я́ко не могу́щий по досто́янию
восхва́лити добродéтели твоя́. Не прéзри на́с,
зову́щих ти́:

Ра́дуйся, росо́ю благода́ти ду́шу свою́
напойвы́й и се́мена бла́гие измла́да в не́й
насади́вый; ра́дуйся, пло́ды спаси́тельныя в
се́рдце своéм возрасти́вый по́двигами сво́ими,
я́ко ка́мением многоце́нным, себе́ украси́вый.

Ра́дуйся, крине́ райский, добродéтелями
благоуха́ющий и се́рдце на́ше усажда́ющий;
ра́дуйся, свети́льник пресве́тлый во тьме́
грехо́вней сия́ющий, на́с же све́том
благора́зумия просвеща́ющий.

Ра́дуйся, преблаже́нне Васи́лие, юро́де
богомудре, моско́вский чудотво́рче.

Конда́к 10

Спасти́ хотя́й от бу́ри в мо́ре потопля́емых и к
тебе́ о спасéнии своéм возо́пвших, яви́лся еси́
и́м на мо́ри, во гра́де Москве́ неотсту́пно
пребыва́я, и от потопле́ния изба́вил еси́, да
восхва́ляют Бо́га, чуде́сне тобо́ю их спа́сшаго, и
 возо́пию́т ему́: Аллилу́иа.

И́кос 10

Го́спода Бо́га непреста́нно умо́м зря́, не да́л еси́ очі́ма свои́ма сна́, ни ве́ждома – дрема́ния, в моли́тве церко́вней но́щи пребы́вая. Лю́дие же ви́дяще тако́вое твоё к Бо́гу усер́дие, взы́ваху ти́:

Ра́дуйся, вы́соотою смире́ния твоего́ умы́ на́ша уди́вляющий, глубли́ною смире́ния се́рдца на́ша уми́ляющий; ра́дуйся, ду́шу свою́ хра́мину ду́ха свята́го сотвори́вый и страсте́м вхо́д в ню́ загради́вый.

Ра́дуйся, креста́ Господня́ носі́тель терпе́ливый, все́м се́рдцем его́ взыска́вый; ра́дуйся, и́го Господне́ я́ко благо́е возлюбі́вый, бре́мя лёгкое́ его́ ра́достно подъя́вый.

Ра́дуйся, пре́блаже́нне Васи́лие, ю́роде богому́дре, моско́вский чудотво́рче.

Конда́к 11

Пе́ние всеуми́лённое тебе́, всеблаже́нне, принося́ще, вопи́ем: я́коже дре́вле чудоде́йствуя, разсла́бленных исцеля́л еси́, слепы́м прозре́ние дарова́л еси́, та́ко и ны́не ду́ши на́ша, греха́ми разсла́бленные́ и похотьми́ ослепле́нные, исцели́, да вопи́ем Бо́гу: Аллилу́иа.

Ї́кос 11

Светопода́тельна свети́льника вели́каго зри́м тебе́, преблагѣ́нне Васи́лие, наста́вляю́ща на пу́ть пра́вый блужда́ющих во тьме́ и се́ни сме́ртней. Того́ ра́ди вопи́ем ти́:

Ра́дуйся, лучу́ пра́вды Христо́вой пособству́ющий, мглу́ помысло́в су́етных разгоня́ющий; ра́дуйся, заре́ и́стины Ева́нгельския, тьму́ страсте́й освеща́ющая и объ́ятых ёю́ от ги́бели ве́чныя спаса́ющая.

Ра́дуйся, у́гль божество́нный, по́хоти на́ша опаля́ющий, лука́выя ко́зни бесо́вския потребля́ющий; ра́дуйся, пла́мень небес́ный, хла́дныя се́рдца на́ша возгрева́ющий, умы́ же свѣ́том Божество́нным оза́ряющий.

Ра́дуйся, преблагѣ́нне Васи́лие, юро́де богому́дре, моско́вский чудотво́рче.

Конда́к 12

Благода́тию Бо́жиею просвеща́емый, богоблагѣ́нне Васи́лие, просвети́ на́ш у́м и очисти́ на́ше се́рдце, да сподо́бимся и мы́ воспевати́ с тобо́ю купно́ Бо́гу: Аллилу́иа.

И́кос 12

Пою́щих твоя́ по́двиги, восхваля́ющих твоя́ злострада́ния, прославля́ющих твоё юро́дство, дивя́щихся твои́м добродёте́лем не оста́ви свои́м хода́тайством пред Го́сподом, да воспоём ти́:

Ра́дуйся, непреста́нный о нас Бо́гу моли́твенниче, ми́лость Бо́жию на нас призыва́ющий; ра́дуйся, кре́пкий наш защи́тниче, от бе́д и скорбе́й нас охраня́ющий.

Ра́дуйся, напа́ствуемых ско́рый изба́вителю, на пу́ть спасе́ния наста́вляющий; ра́дуйся, гра́ду на́шему Москве́ всегда́шний покрови́телю, по́мощь свою́ все́м чту́щим тя́ при́сно явля́ющий.

Ра́дуйся, преблагё́нне Васи́лие, юро́де богому́дре, моско́вский чудотво́рче.

Конда́к 13

Опреблагё́нне и достоуго́дне Васи́лие, ма́лое сие́ похвалё́ние от нас я́ко пло́д благодарё́ния приими́, я́ко гла́с проше́ния услы́ши, да изба́вимся твои́ми о нас Бо́гу моли́твами от обы́шедших зо́л и напа́стей, и возопи́ем Бо́гу, Спаси́телю на́шему: Аллилу́иа.

Этот конда́к чита́ется три́жды, зате́м и́кос 1-й и конда́к 1-й.

Моли́тва пе́рвая

Овели́кий уго́днице христо́в, и́стинный дру́же и ве́рный ра́бе всетворца́ Го́спода Бо́га, преблаже́нне Васи́лие! Услы́ши ны́ многогрешны́я, ны́не вопи́ющыя к тебе́ и призыва́ющыя и́мя твоё свято́е: поми́луй ны́ припада́ющыя днёсь к ра́це мо́щей твои́х: приими́ ма́лое на́ше и недосто́йное си́е моле́ние, умилосе́рдися над убо́жеством на́шим, и моли́твами твои́ми исцели́ всяк недуг и боле́знь ду́ши и те́ла на́шего грешна́го, и сподо́би ны́ течёние жи́зни сея́ невре́димо от ви́димых и неви́димых враг безгрешно́ прейти́, и христиа́нскую кончи́ну непосты́дну, ми́рну, безмяте́жну, и Небе́снаго Ца́рствия насле́дие получи́ти со все́ми святы́ми во ве́ки веко́в. Ами́нь.

Моли́тва второ́я

Облаже́нная душе́, о премудро́сти испо́лненный ра́зуме: возсия́ бо на́м светонезахо́димое со́лнце весе́лия, просвеща́я Росси́йское Ца́рство: от бесо́в уязвленных исцели́тель, па́че же и сами́х бесо́в прогони́тель, слепы́м прозре́ние, хромы́м

хождѣніе, сляченным исправлѣніе, болящим
всѣм исцелѣніе и здравіе: от бѣд и скорбѣй
избавлѣніе, печальным утешѣніе.

Моли́тва тре́тия

Оуго́дниче христовъ, преблаже́нне Васи́лие!
Услы́ши ны́, многогрѣшныя, ны́не вопи́ющія к
тебе́: помилуй ны́, ра́б Бо́жиих (имена́), и
умилосѣ́рдися над убо́жеством на́шим. И
моли́твами твои́ми исцели́ всяк недѹт и болѣзнь
ду́ши и те́ла на́шего грѣшнаго, и сподо́би ны́
тече́ние жи́зни сея́ невреді́мо, от ви́димых и
невидимых вра́г, и безгрѣшно преи́ти, и
христиа́нскую кончи́ну непосты́дну, ми́рну,
безмяте́жну, и Небе́снаго Ца́рствія насле́дие
получи́ти, со все́ми святи́ми, во ве́ки веко́в.

